



Bwletin GwE



Rhannwch ein bwletin â thîm staff yr ysgol i gyd ac anogwch eich holl gyd-weithwyr i ymuno â'n [rhestr bostio](#).



TEDx GwE



Pleser o'r mwyaf yw eich gwahodd i fod yn rhan o'n digwyddiad TEDxGWE ar gyfer TED COUNTDOWN mewn partneriaeth efo Prifysgol Glyndŵr Wrecsam, Cyfoeth Naturiol Cymru, Adfywio Cymru a phartneriaid strategol eraill.

Mae TEDx yn ddigwyddiad i siaradwyr gyflwyno syniadau mawr y mae ganddynt wybodaeth helaeth amdanynt. Y gwahaniaeth gyda'n digwyddiad ni yw mai ein pobl ifanc fydd y siaradwyr. Ein nod yw dod â disgyblion o bob oed at ei gilydd i siarad am yr Argyfwng Hinsawdd a chreu syniadau a fydd yn gwneud gwahaniaeth mawr.

Ein gobaith yw arddangos syniadau pobl ifanc o bob cwr o'r rhanbarth, gan siarad am brosiectau newydd ac arloesol y maent wedi meddwl amdanynt i helpu i ymladd yn erbyn yr argyfwng. Gobeithio bydd y llwyfan hwn yn help iddynt gael eu clywed, ac yn gwneud i arweinwyr y trydydd sector, y sector cyhoeddus a'r sector preifat ddefro a chymryd sylw. Credwn fod gan ein pobl ifanc y potensial i ysbrydoli eraill ac i brocio trafodaethau sydd o bwys. Cymru yw'r wlad gyntaf yn y byd i gael deddfwriaeth ar gyfer datblygiad cynaliadwy gyda Deddf arloesol Llesiant Cenedlaethau'r Dyfodol 2015. Rydym am ddatblygu hyn a'r cyfle i wneud gwahaniaeth cadarnhaol a thymor hir i genedlaethau heddiw a fory, gyda phobl ifanc wrth wraidd gyrru'r newidiadau hyn.

Os hoffech fod yn rhan o hyn yna mae angen i chi wneud dau beth:

1. [Dilyn y ddolen](#) i gofrestru diddordeb. Fe fyddwn ni wedyn yn anfon atoch ddolen i becyn syniadau.
2. Anfon fideo 60 eiliad o ddisgyblion ar Flipgrid (bydd y ddolen ar gael gyda'r pecyn adnoddau) sy'n cyfleu eich syniad, eich materion neu eich ffocws a'r hyn rydych am i arweinwyr, cymunedau a'r rhai sydd yn gwneud penderfyniadau yng ngogledd Cymru ei wneud. Gall hyn fod yn grwpiau ac yn unigolion o unrhyw oedran.

Cesglir yr holl fideos a bydd arweinwyr ar hyd a lled gogledd Cymru yn eu gwyllo.

Cynhelir digwyddiad TEDx, fydd yn cael ei fflmio, ar 1 Tachwedd yn Theatr Clwyd er mwyn i nifer o bobl ifanc gael cynulleidfya fyw a llwyfan i rannu eu barn. Byddwn yn rhoi cefnogaeth i ddatblygu'r sgwrs TED a pheth hyfforddiant a chefnogaeth gyda siarad cyhoeddus. Byddwn yn rhannu cam nesaf y broses ym mis Medi.

Cysylltu â GwE

Rydym yma i helpu! Rydym ar-lein ac wrth law i gefnogi ysgolion a llywodraethwyr.

Cysylltwch â ni ar post@gwegogledd.cymru ac fe atebwn cyn gynted ag y bo modd.



Cyfle ym Maes Cymell i Fentoriaid Sefydlu ANG (MS)

Rydym yn cynnig cyfle cyffrous i fentoriaid sefydlu gymryd rhan mewn hyfforddiant cymell i'w cynorthwyo gyda'u rôl o gefnogi athrawon newydd gymhwyso.

Gwahoddir mentoriaid sefydlu profiadol gyda chyfrifoldebau arweinyddiaeth ysgol i ymgeisio am **le wedi'i gyllido ar y Rhaglen Genedlaethol Cymell ar gyfer Mentoriaid Sefydlu (MS), a gymeradwywyd gan yr Academi Genedlaethol ar gyfer Arweinyddiaeth Addysgol Cymru (NAEL).**

[Cliciwch yma](#) am fwy o wybodaeth am y Rhaglen a sut i wneud cais.



Rhaglenni Datblygu Arweinyddiaeth Cenedlaethol

Rydym yn falch o rannu dyddiadau â chi ar gyfer carfanau nesaf y Rhaglenni Datblygu Arweinyddiaeth cenedlaethol.

Noder, yn benodol, lansiad ar **01/07/2021** o'r **Rhaglen Datblygu Darpar Benaethiaid – paratoi ar gyfer CPCP**. Rhydd hyn gyfle i ddarpar ymgeiswyr gychwyn ar eu gwaith paratoi. Cliciwch [yma](#) am fwy o wybodaeth am y broses ymgeisio. Trefnir sesiynau briffio ar gyfer darpar ymgeiswyr yn fuan yn nhyddref ac fe'ch cynghorir yn gryf i fynychu un o'r sesiynau hynny cyn ymgeisio.

Rhaglen Datblygu Arweinyddiaeth Ganol

Ceisiadau yn agor	14/09/2021
Dyddiad cau ar gyfer cyflwyno cais	erbyn 1yp ar 07/10/2021
Sesiwn rhagarweiniol ar gyfer ymgeiswyr llwyddiannus	w/c 29/11/2021
Rhaglen yn cychwyn	Ionawr 2022
Rhaglen yn gorffen	Rhagfyr 2022

Rhaglen Datblygu Uwch Arweinwyr

Ceisiadau yn agor	21/09/2021
Dyddiad cau ar gyfer cyflwyno cais	erbyn 1yp ar 14/10/2021
Sesiwn rhagarweiniol ar gyfer ymgeiswyr llwyddiannus	w/c 29/11/2021
Rhaglen yn cychwyn	Ionawr 2022
Rhaglen yn gorffen	Rhagfyr 2022

Rhaglen Datblygu Darpar Benaethiaid – paratoi ar gyfer CPCP

Lansio'r Rhaglen	01/07/2021
Sesiynau briffio ar gyfer darpar ymgeiswyr	Medi 2021
Dyddiad cau ar gyfer cyflwyno cais	erbyn 1yp ar 22/10/2021
Rhaglen yn cychwyn	Ionawr 2022
Ceisiadau ar gyfer Asesiad CPCP	Tachwedd 2022
Canolfan Asesu CPCP	Chwefror 2023

Cyfle cyffrous i Gynorthwyyr Addysgu newydd!

Mae'r **Rhaglen Ymsefydlu Cynorthwyyr Addysgu** i unigolion sydd newydd eu penodi i'r swydd. Cyflwynir y rhaglen genedlaethol hon ar lwyfan digidol. Bydd modd cwblhau'r hyfforddiant ar amser sydd yn gyfleus i'r cynorthwyyr ac i'w lleoliad. Am fwy o wybodaeth a manylion am sut i gofrestru, [cliciwch yma](#).



Swyddog Prosiect - Ein Llais Ni

SWYDD DROS-DRO HYD AT HYDREF 2022

Rydym yn awyddus i benodi person brwdfrydig i ymuno â chynllun cwbl unigryw i hyrwyddo sgiliau llafaredd ein dysgwyr yng Ngogledd Cymru. Bydd y cynllun yn gyfle i aildanio a gwreiddio sgiliau gwranddo a siarad wrth gynllunio'r cwricwlwm ar gyfer Cwricwlwm i Gymru gan ystyried strategaethau dysgu ac addysgu llafaredd rhyngwladol. Mae'r cynllun yn rhoi cyfle i ysgolion gydweithio fel tîm ymchwil gweithredol mewn cydweithrediad â Phrifysgol Bangor a GwE; gyda'r gwaith wedi'i gyllido gan Lywodraeth Cymru.

DYDDIAD CAU: 10.00AM, DYDD IAU, 15 GORFFENNAF 2021

Am sgwrs anffurfiol, cysylltwch â Eleri Owen, Rheolwr Prosiect (elerillewelynnowen@GwEGogledd.Cymru).

Am ragor o fanylion a ffurflen gais, ewch i www.gwynedd.gov.uk neu ffonio 01286 679076.



Newyddion a Gwybodaeth GwE

Dyfodol Byd-Eang GwE: Ieithoedd Rhyngwladol

Newyddlen ITM Dyfodol Byd-eang:

Cymraeg: <https://www.gwegogledd.cymru/cefnogaeth-cwricwlwm/ieithoedd-tramor-modern/>

Saesneg: <https://www.gwegogledd.cymru/curriculum-support/ieithoedd-tramor-modern/?lang=en>

CYFLEOEDD HYFFORDDI AR GYFER ATHRAWON YSGOLION CYNRADD

Cyfle am Gyllid ar gyfer Ieithoedd Rhyngwladol

Mae tîm Dyfodol Byd-eang GwE yn chwilio am ysgolion cynradd sydd am ddatblygu eu darpariaeth Ieithoedd Rhyngwladol wrth baratoi ar gyfer Cwricwlwm i Gymru.

Rydym ni'n cynnig cyfle i nifer o ysgolion yng Ngogledd Cymru **gael tanystrifiad i adnoddau Power Language Schools. Ariennir y tanystrifiad hwn yn llawn.**

Os oes gennych chi ddiddordeb ac yr hoffech wneud cais am y tanystrifiad blwyddyn hwn a ariennir yn llawn, cysylltwch â stephanieelliswilliams@gwegogledd.cymru

Prifysgol Agored 2021-2022

Rydym yn ffodus dros ben i fod mewn sefyllfa i gynnig **cyfle i athrawon cynradd ddysgu iaith ryngwladol, a chael hyfforddiant i gyflwyno ieithoedd mewn ysgolion cynradd** drwy'r Brifysgol Agored.

Ariennir y cwrs yn llawn gan Ddyfodol Byd-eang GwE. Os oes gennych chi, neu un o'ch cydweithwyr yn yr ysgol, ddiddordeb mewn cofrestru ar y cwrs, cysylltwch â stephanieelliswilliams@gwegogledd.cymru



Gwaith Rhifedd gydag Ysgolion GwE wedi'i Gyhoeddi Mewn Cylchgrawn yn yr UD

Braf iawn oedd gweld deilliannau un o'n prosiectau gwella ysgolion cydweithredol yn cael eu cyhoeddi yn ddiweddar. Dros y blynyddoedd diwethaf, mae GwE wedi bod yn gweithio gyda'r Sefydliad Cydweithredol er Ymchwil i Addysg, Tystiolaeth ac Effaith (CIEREI), Prifysgol Bangor, i helpu niferoedd helaeth o ysgolion GwE i ddefnyddio strategaeth fathemateg SAFMEDS, sef Say-All-Fast-Minute-Every-Day-Shuffled. Dr Kaydee Owen sydd wedi bod yn arwain ar y gwaith hwn i GwE dros y blynyddoedd diwethaf, yn darparu hyfforddiant a chymorth gwerthfawr i lawer o ysgolion GwE. Mae strategaeth SAFMEDS bellach yn rhan greiddiol o'n cymorth Cyflymu Sgiliau a mathemateg i ysgolion. Hyfryd oedd clywed fod gwaith ymchwil SAFMEDS Kaydee wedi'i gyhoeddi yr wythnos ddiwethaf mewn cyfnodolyn addysg blaenllaw yn yr UDA, sef *Journal of Research on Educational Effectiveness*. Hoffem hefyd gydnabod y 63 ysgol yng Ngogledd Cymru a fu'n cymryd rhan yn y treial hwn a'n helpu ni i weld sut y gallwn wella ansawdd y cymorth gweithredu parhaus er mwyn gwella deilliannau disgyblion. Gallwch ddarllen am y gwaith drwy ddilyn y [ddolen hon](#) aiff â chi at y papur.

Recruiwio Aseswyr o'r Sector Uwchradd ac Arbennig ar gyfer Statws CALU [Cynorthwywyr Addysgu Lefel Uwch]

Mae GwE yn chwilio am ymarferwyr **o'r sector uwchradd ac arbennig** i ymuno â'r tîm sydd ynghlwm wrth y Rhaglen Asesu Cynorthwywyr Addysgu Lefel Uwch (CALU).

Fel aseswr byddwch yn gyfrifol am asesu ymgeiswyr sydd wedi cwblhau'r Rhaglen Darpar CALU ac sydd yn mynd ymlaen i gael eu hasesu ar gyfer statws CALU. Am fwy o wybodaeth a manylion ymgeisio, [cliciwch yma](#).

Ymunwch â Rhaglen Arbenigol Addysgwr Arloesol Microsoft (MIE) 2021/2022

Ydych chi'n athro sy'n ceisio dod o hyd i ffyrdd newydd o ennyn diddordeb eich dysgwyr drwy ddefnyddio technoleg? Os hoffech chi gysylltu â chymuned ddysgu broffesiynol fyd-eang o addysgwyr eraill yn union fel chi sy'n gwrthio ffiniau'r ystafell ddosbarth yna byddai Microsoft yn hoffi'ch cael chi'n rhan o'r gymuned Arbenigwyr Arloesol Microsoft (Microsoft Innovative Expert Community). Maent yn chwilio am addysgwyr hunan-ysgogol sy'n angerddol am addysgu a dysgu, sy'n ysbrydoli dysgwyr drwy feddwl yn greadigol, ac yn gweithio mewn ysbryd gwirioneddol gydweithredol i rannu eu profiadau â'r byd.

Y dyddiad cau ar gyfer gwneud cais i ddod yn 'MIE Expert' eleni yw 15 Gorffennaf. Am fwy o wybodaeth cysylltwch â Kellie Goodall drwy anfon e-bost i goodallk10@hwbcymru.net neu [cliciwch yma](#) am fwy o wybodaeth.





Rhaglen Iaith a Llythrennedd (RILL)

HELPU EICH DYSGWYR I FOD YN DDARLLENWYR MWY RHUGL

Cofrestrwch yma ar gyfer y rhaglen ddarllen a deall atodol bwrpasol newydd ar gyfer dysgwyr CA2, sydd ar gael nawr ar gyfer pob ysgol ledled y rhanbarth. Wedi'i dylunio a'i darparu mewn cydweithrediad rhwng GwE, Prifysgol Bangor a CIERI, bydd cofrestru i fod yn rhan o'r rhaglen hon yn rhoi mynediad i chi i adnoddau am ddim, hyfforddiant llawn a chefnogaeth ddilynol. Mae'r cais ar sail y cyntaf i'r felin gyda mynediad at hyfforddiant digidol anghydamserol, wedi'i ddilyn gan sesiynau Cwestiwn ac Ateb byw, gweler y dyddiadau sydd ar gael drwy glicio ar [y ddolen i'r ffurflen gais](#).

Helpu eich dysgwyr i fod yn ddarllenwyr mwy rhugl








Gwella Rhuglder Darllen Disgyblion:

STRATEGAETHAU DARLLEN AILADRODDOL A GEIRIAU AMLDER UCHEL

Dyma ddwy strategaeth adeiladu rhuglder ar sail tystiolaeth a ddyluniwyd ac a gyflwynwyd mewn cydweithrediad rhwng GwE ac arbenigwyr darllen o'r Sefydliad Cydweithredol ar gyfer Ymchwil, Tystiolaeth ac Effaith Addysg (CIEREI), Prifysgol Bangor i helpu dysgwyr yn CA2 a CA3 sydd eisoes â sgiliau datgodiog da ond sydd angen gwella eu rhuglder darllen er mwyn gwella eu sgiliau deall. Mae hwn yn adnodd rhad ac am ddim sydd ar gael i bob ysgol ledled y rhanbarth ac mae'n dod gyda hyfforddiant a chefnogaeth llawn, ar sail y cyntaf i'r felin, gyda mynediad at hyfforddiant digidol anghydamserol, wedi'i ddilyn gan sesiynau Cwestiwn ac Ateb byw, gweler y dyddiadau sydd ar gael drwy glicio ar [y ddolen i'r ffurflen gais](#).

Gwella rhuglder darllen disgyblion



Helpu Eich Plentyn i Ddysgu gyda Mike Gershon

Mae Helpu Eich Plentyn i Ddysgu gyda Mike Gershon yn gyfres o glipiau fideo, canllawiau a thaflenni, sy'n datgloi cyfrinachau dysgu, gan roi'r offer, y syniadau a'r strategaethau sydd eu hangen ar rieni i helpu eu plant i ddysgu, tyfu a ffynnu.

Mae'r adnodd dwyieithog hwn ar gael yn rhad ac am ddim, i rieni plant oed cynradd ar draws y rhanbarth. Mae'r fideo rhagarweiniol a chodau arbennig ar gael gan YCG eich ysgol.



Helpu Eich Plentyn i Ddysgu gyda Mike Gershon





Rhaglen Bartneriaeth Lles ac Iechyd Meddwl Mind Cymru

Ar y cyd â Mind Cymru, bydd y pedwar consortia addysg rhanbarthol yn hwyluso cyfle i ddysgu'n broffesiynol (yn rhithiol, yn y Gymraeg a'r Saesneg) o fis Medi 2021:

Sesiwn Ymwybyddiaeth Iechyd Meddwl - targedir pob clwstwr ar draws y rhanbarth

Sesiwn 3 awr i godi ymwybyddiaeth o iechyd meddwl. Cyflwynir i grwpiau o 16 aelod a rhoddir pecyn i'r aelodau fynd o'r sesiwn efo nhw. Rydym yn targedu un neu ddau unigolyn o bob clwstwr ar draws y rhanbarth. Mae'r sesiwn yn addas i holl staff y clwstwr. Er hynny, byddai'r aelodau yn dod yn Bencampwyr y Rhaglen Bartneriaeth Les, yn cyfarfod â'r Tîm Lles ddwywaith y flwyddyn ac yn gyfrwng i ddatblygu'r rhaglen, adnoddau cyfathrebu a ffynonellau cymorth i'w rhannu yn eu clwstwr eu hunain.

Mind - Rheoli Iechyd Meddwl yn y Gwaith a Chefnogi Staff

Sesiwn 3 awr, wedi'i hwyluso, a bydd pecyn ar gael i'w roi i ddysgwyr. Cyflwynir i grwpiau o 16 aelod, yn y Gymraeg a'r Saesneg. Mae'r sesiwn rhithiol hwn yn targedu **Aelodau Uwch Dimau Arwain Ysgolion/Lleoliadau a'r ALL**. Byddai'r rhaglen hon yn cael ei harfarnu ac yn cael ei chynnal i fwy o aelodau, yn dibynnu ar y sylwadau cychwynnol.

Ceir rhagor o fanylion am y 2 sesiwn [yma](https://www.yma.org.uk).

Mae Sefydlu ANG yng Nghymru yn newid...

DYLAI POB YSGOL FOD YN BAROD YM MIS MEDI 2021 AR GYFER ANG

[Cliciwch yma](https://www.yma.org.uk) i weld y camau sy'n rhaid i bob ysgol eu dilyn er mwyn sefydlu ANG o fis Medi 2021 ymlaen.

Am ragor o fanylion, cysylltwch â leuanjones@gwegogledd.cymru



Gwybodaeth ac arweiniad Llywodraeth Cymru

Ymgyrch Recriwtio Athrawon

Disodlwyd gwefan 'Addysgu Cymru' gan 'Addysgwyr Cymru'. Bydd Llywodraeth Cymru yn cynnal ymgyrch yr haf hwn i hyrwyddo addysgu fel gyrfa i gynorthwyr dysgu, newidwyr gyrfa, graddedigion, myfyrwyr a rhieni sydd yn aros gartref. Bydd hyn yn cynnwys hysbysebion teledu a radio, a chyfryngau cymdeithasol.

Gweler www.addysgwyr.cymru i gael mwy o wybodaeth.

Os oes gennych chi stori ysbrydoledig am sut y daethoch chi i mewn i ddysgu y credwch y byddai'n werth ei rhannu trwy'r wefan, cysylltwch â ceriwilliams3@gwegogledd.cymru



Byddwch yn Drîw i Chi'ch Hun Ar-lein

Mae pawb yn gallu mynd i'r fagl o gymharu eu bywydau â bywydau pobl eraill. Peidiwch â gadael i'r hidlydd eich twyllo! Ewch i'r dudalen [Byddwch yn drîw i chi'ch hun ar-lein](#) ar gyfer ymarferwyr, teuluoedd a phobl ifanc sy'n sôn am hunan-barch a'r cyfryngau cymdeithasol ar 'Cadw'n ddiogel ar-lein'.

Mae'n cynnwys:

- gwybodaeth am fanteision a pheryglon defnyddio'r cyfryngau cymdeithasol
- rôl dylanwadwyr ar y cyfryngau cymdeithasol
- pwysau i 'ffitio i mewn' ar-lein
- awgrymiadau ar gyfer sicrhau bod eich profiad o'r cyfryngau cymdeithasol yn gadarnhaol
- dolenni i adnoddau ar gyfer cymorth pellach.

PEIDIWCH Â GADAEI I'R HIDLYDD
EICH TWYLLO



BYDDWCH YN DRIW I CHI'CH
HUN AR-LEIN



Cadernid Digidol
mewn Addysg
Digital Resilience
in Education

Hwb®



Hwb®



SECONDIAD: Cynghorydd Proffesiynol - Ysgolion ac Awdurdodau Lleol (Cydlunydd Cenedlaethol PISA 2022)

Dymuna Llywodraeth Cymru dynnu eich sylw at gyfle am secondiad newydd: Cynghorydd Proffesiynol – Ysgolion ac Awdurdodau Lleol (Cydlunydd Cenedlaethol PISA 2022). [Cliciwch yma](#) am fanylion llawn y secondiad.

Bwrddir i'r secondiad gychwyn cyn gynted ag y bo modd, ac am ddwy flynedd o'r dyddiad cychwyn.

Dylai unrhyw un sydd am fynegi diddordeb yn y cyfle hwn anfon e-bost at Huw.Owen@llyw.cymru, gyda llythyr yn nodi eu diddordeb ac yn amlinellu eu profiadau a'u cymwysterau ar gyfer y rôl. Ni ddylai'r llythyr fod yn ddim mwy na 500 gair.

Y dyddiad cau ar gyfer ceisiadau yw **5yp ddydd Iau 15 Gorffennaf 2021**.

Diwygiadau cwricwlwm ac asesu. Arolwg: paratodau ar gyfer 2022

Mae Llywodraeth Cymru wedi comisiynu cwmni Arad a'r Brifysgol Agored yng Nghymru i gynnal arolwg ar baratodau ysgolion a lleoliadau eraill ar gyfer gweithredu'r diwygiadau cwricwlwm ac asesu. Mae'r [arolwg](#) wedi'i anelu at benaethiaid, uwch-reolwyr ac ymarferwyr mewn ysgolion a lleoliadau nas gynhelir sy'n darparu addysg. Bydd ymatebion yn cael eu defnyddio gan Lywodraeth Cymru i adnabod y gefnogaeth sydd ei hangen i sicrhau bod ysgolion yn barod ar gyfer cyflwyno'r cwricwlwm newydd o 2022. Arolwg 10-15 munud yw hwn a'r dyddiad cau yw **16 Gorffennaf 2021**. [Cliciwch yma](#) i gymryd rhan.

Ymgynghoriadau ar ganllawiau ychwanegol Cwricwlwm i Gymru

Dros y flwyddyn ddiwethaf, mae ymarferwyr a rhanddeiliaid eraill wedi bod yn gweithio i gyd-lunio'r ychwanegiadau penodol i ganllawiau'r cwricwlwm a nodwyd ym mis Ionawr 2020. Mae Llywodraeth Cymru hefyd wedi bod yn paratoi Codau drafft yn unol â gofynion Deddf Cwricwlwm ac Asesu (Cymru) 2021.

Maent yn gofyn am eich adborth ar y drafftiau hyn erbyn **16 Gorffennaf** fel rhan o'r broses barhaus o ddatblygu ar y cyd. Bydd y gweithgoreu ymarferwyr yn defnyddio eich sylwadau i helpu i fireinio'r drafftiau, cyn i ganllawiau Cwricwlwm i Gymru gael eu diweddarau ar-lein yn yr Hydref. Ceir dolenni i'r dogfennau ymgynghori a'r ffurflenni ymateb [yma](#).



Gwybodaeth a Chanllawiau gan Eraill

MA Astudiaethau Addysg (Rhan-Amser) Prifysgol Bangor

Mae ystod eang o fodiwlau ar gael ar gyfer y ffordd hyblyg hon o astudio ar gyfer eich cymhwyster Meistr, gan gynnwys Dwyieithrwydd, Cwnsela, Cymhwysedd Digidol, Dysgu Dysgwyr Dyslecsig, Arweinyddiaeth Addysg, Rheoli Ymddygiad, Theori Dyslecsia a sgiliau Mentora, a astudir dros bum penwythnos yn ystod y flwyddyn academiaidd. Mae sesiwn rhannu gwybodaeth 'Cwrdd â'r Tiwtor' ddydd Sul 19 Medi am 1pm i unrhyw un sydd â diddordeb mewn mynychu'r cwrs neu sydd eisiau darganfod mwy - mae croeso mawr ichi ddod. Am wybodaeth bellach neu i gofrestru lle yn y sesiwn 'Cwrdd â'r Tiwtor', cysylltwch â chyfarwyddwr y cwrs, Huw Phillips: h.c.phillips@bangor.ac.uk



Senedd Ieuenctid Cymru

Mae ail ymgyrch etholiadol Senedd Ieuenctid Cymru wedi'i lansio, a gellir cofrestru pleidleiswyr erbyn hyn ar gyfer yr etholiad ym mis Tachwedd. Mae'r dyddiadau allweddol i'w gweld [yma](https://seneddieuenctid.senedd.cymru/). Dros y misoedd diweddar, mae staff o Dîm Addysg ac Ymgysylltu â Phobl Ifanc y Senedd wedi cynnal sesiynau ymgysylltu ar-lein i ysgolion, colegau a grwpiau ieuenctid at ddiben hyrwyddo Etholiad y Senedd, a gynhaliwyd yn diweddar, ynghyd â gwaith y Senedd a Senedd Ieuenctid Cymru. Bydd y sesiynau hyn yn parhau i gael eu cynnal ar-lein, ond os ydych chi eisiau trafod y posibilrwydd o gynnal sesiynau wyneb yn wyneb, byddem yn hapus i drafod hynny gyda chi. Ffoniwch 0300 200 6565, neu anfonwch e-bost i contact@senedd.cymru os oes gennych unrhyw ymholiad ynghylch cadw lle. I gael cymorth neu ragor o wybodaeth, anfonwch e-bost i helo@seneddieuenctid.cymru, neu ewch i wefan y Senedd Ieuenctid <https://seneddieuenctid.senedd.cymru/>.



Newyddlen SSCE Cymru

Mae newyddlen ddiweddaraf SSCE Cymru ar gael [yma](https://ssce.cymru/).



Miri Mes

DYDD IAU, 15 GORFFENNAF 2021

Mae Miri Mes yn ôl a bydd cofrestru yn agor ym mis Medi! Mae gweminar 'Dosbarth Meistr Miri Mes' Cyfoeth Naturiol Cymru (CNC) yn egluro sut i gymryd rhan yn ymgyrch 2021.

Mae tyfu coed brodorol o stoc hadau lleol yn helpu i sicrhau bod y coed sy'n cael eu plannu yn gweddu orau i amodau lleol ac yn cynnig y budd mwyaf i fywyd gwyllt a choetiroedd lleol. Er mwyn sicrhau bod digonedd o'r coed brodorol, lleol hyn, mae CNC yn gofyn i grwpiau addysg a dysgu gasglu mes yn eu hardal leol.

Drwy roi rhybudd cynnar i chi o hyn, mae CNC yn gobeithio y byddwch yn gallu gwau Miri Mes i'ch cynllunio, codi arian ar gyfer eich lleoliad, helpu i ddiogelu'r rhywogaethau coed eiconig hyn a chael eich dysgwyr i ddysgu yn yr amgylchedd naturiol a dysgu amdano.

Mae croeso i grwpiau addysg sydd wedi'u lleoli yng Nghymru neu unrhyw un sy'n codi arian ar gyfer eu grŵp addysg lleol yng Nghymru gymryd rhan. Bydd y weminar yn cael ei harwain gan staff Addysg, Dysgu a Sgiliau Cyfoeth Naturiol Cymru. Archebwch le drwy ymweld â Thocyn Cymru: [Natural Resources Wales | tocyn.cymru \(beta\)](https://naturalresources.wales/tocyn.cymru)



Arolwg Ysgolion - Addysg Gerddoriaeth

Mae Llywodraeth Cymru yn ceisio datblygu cynigion ar gyfer darpariaeth gerddoriaeth, a fydd yn datblygu canfyddiadau ac argymhellion yr 'Adolygiad o'r Celfyddydau mewn Addysg' (2013), yr adroddiad 'Taro'r Tant' (Mehefin 2018), a'r 'Astudiaeth Ddichonoldeb Gwasanaethau Cerddoriaeth: Adroddiad Terfynol' (Ionawr 2020). Byddem yn gwerthfawrogi adborth ar y ffordd orau o ddarparu addysg gerddoriaeth yn y dyfodol er mwyn cefnogi dysgwyr a dylanwadu arnynt i fanteisio ar brofiadau cerddorol o safon uchel ac ennill y sgiliau i wireddu eu potensial yn y cwricwlwm newydd. Bydd yr wybodaeth a gesglir yn cael ei chadw'n gyfrinachol gan Lywodraeth Cymru a'i defnyddio i lywio cynigion ar gyfer addysg gerddoriaeth mewn ysgolion a lleoliadau, gan gynnwys opsiynau ôl-16.

Dilynwch y [ddolen hon](https://ddolen.hon) i gael mynediad at yr arolwg. Y dyddiad cau yw **16 Gorffennaf 2021**.



Llywodraeth Cymru
Welsh Government



Y Cliciadur / Clic-It Cymru

Mae rhifyn diweddaraf yr e-bapur newydd dwyieithog Y Cliciadur/Clic-It Cymru ar gael ar safwe HWB. [Cliciwch yma](#).

Er mwyn helpu i ddatblygu'r Cliciadur, a fydddech cystal â rhoi adborth yn yr [holiadur yma](#).

Cyrsiau Ar-Lein Am Ddim i Rieni: Dyddiadau Olaf ar gyfer Tymor Yma

HELPWCH EICH PLENTYN I DDARLLEN

Cwrs byr ar-lein i rieni a gofalywyr plant Cyfnod Sylfaen neu blant sydd ar fin dechrau'r ysgol.

Bydd y cwrs ar-lein hwn yn helpu rhieni a gofalywyr plant blynyddoedd cynnar i feithrin hyder mewn technegau sylfaenol a gweithgareddau hwyliog er mwyn annog eu plentyn i ddysgu darllen.

Dyddiadau a dolenni i gofrestru ar gael [yma](#).

Os oes gennych unrhyw gwestiynau neu mae arnoch angen taflenni i'w hanfon at rieni, anfonwch e-bost

jane.watkins@adultlearning.wales



BAC / THS - Adnoddau Newydd

Y cyntaf o adnoddau #DysguProffesiynol i gefnogi addysgu addysg dinasyddiaeth a gwleidyddiaeth. [Cliciwch yma](#).

Gweithgareddau rhyngweithiol, fideos, animeiddiadau a llawer mwy. Adnoddau dinasyddiaeth fyd-eang a gwleidyddiaeth newydd i gefnogi dysgu ac addysgu'r Dystysgrif Her Sgiliau Cenedlaethol/Sylfaen.

Rhagor o fanylion ar gael [yma](#).

Arolwg Ysgolion Uwchradd y Rhwydwaith Hydref 2021

Yn nhymor yr hydref 2021, mae cyfle i'ch ysgol ymgymryd ag arolwg y Rhwydwaith, yn rhad ac am ddim, i gael data amhrisiadwy ar iechyd a lles i'w ddefnyddio yn hunanwerthusiad yr ysgol. Bydd y data'n helpu i ddeall effeithiau parhaus Covid 19 a chefnogi amrywiaeth o flaenoriaethau addysgol, fel y Dull Ysgol Gyfan ar gyfer Iechyd Meddwl a'r Cwricwlwm i Gymru.

Bydd digwyddiadau rhithwir yn cael eu cynnal ym mis Mehefin i helpu arweinwyr iechyd a lles i baratoi. Bydd modd cofrestru ar gyfer yr arolwg ym mis Gorffennaf.

[Cliciwch yma](#) am fanylion pellach.

Unrhyw ymholiadau? Cysylltwch â'r tîm ar: shrn@caerdydd.ac.uk



post@gwegogledd.cymru

